



| | | | |
|----|------|-------------|----|
| | OJ | RB/GOD | RB |
| UG | OJ04 | TD-05-28/19 | 03 |

UGOVOR o javnoj nabavci uređaja za zavarivanje polietilenskih cijevi i fittinga

Ugovorne strane:

KJKP "Sarajevogas" d.o.o., Sarajevo, ul. Trg Fadile Odžaković Žute br. 4, 71000 Sarajevo
Koga zastupa: Direktor mr. sc. Nihada Glamoč, dipl.ing.maš. (u daljem tekstu: Kupac)

i

Bihexo d.o.o. Sarajevo, ul. Put Famosa 47, 71000 Sarajevo
Koga zastupa: Direktor, Mirsad Berberović (u daljem tekstu: Prodavac)

Član 1.

Predmet ovog Ugovora je isporuka **uređaja za zavarivanje polietilenskih cijevi i fittinga - LOT 3**, po provedenom otvorenom postupku nabavke broj TD 05-29/19 – LOT 3. Prodavac je dostavio ponudu prema Obrascu za cijenu ponude Kupca, Aneks III, koji je priložen ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora, bez PDV-a, iznosi: **60.835,00 KM** (slovima: šezdesethiljadaosamstotridesetpet KM). Jedinačne cijene su fiksne i neće se mijenjati u toku realizacije ovog ugovora.

Član 3.

Prodavac će robu iz člana 1. isporučiti u roku od 30 dana od prijema narudžbe Kupca. Ugovorne strane su saglasne da se kvalitativni i kvantitativni prijem isporučene robe izvrši u skladištu Kupca. Komisija će za isporučenu robu sačiniti Zapisnik o kvantitativnom i kvalitativnom prijemu robe.

Član 4.

Prodavac će fakturisanje isporučene robe vršiti po jediničnim cijenama iz Obrasca za cijenu ponude priloženog uz ovaj ugovor. Kupac će plaćanje izvršiti na transakcijski račun naznačen na fakturi Prodavca u roku od 30 dana od prijema robe i prijema uredno ispostavljene fakture.

Član 5.

Obaveza Prodavca je da isporuku robe izvrši u roku, količini i kvaliteti kako je ugovoreno, uz obavezno dostavljanje dokumenta o garanciji za isporučenu robu prema uslovima koje daje proizvođač predmetnog uređaja. Također, obaveza je Prodavca da uz isporučene uređaje isporučiti uputstvo za njihov rad napisano na jednom od službenih jezika koji se koriste u BiH, te da dostavi certifikat o kalibraciji uređaja pod rednim brojem 1. iz Obrasca za cijenu ponude – Aneks III. Prodavac preuzima i obavezu servisiranja uređaja u servisnoj radionici kojom raspolaže. Ukoliko se Prodavac ne bude pridržavao odredbi preciziranih ovim ugovorom, Kupac zadržava pravo da predmetnu robu vrati na teret Prodavca uz naknadu prouzrokovane štete.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorne strane u ispunjavanju njihovih ugovornih obaveza.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.



| | | | |
|-----------|-------------|--------------------|-----------|
| | OJ | RB/GOD | RB |
| UG | OJ04 | TD-05-28/19 | 03 |

Član 8.

Ukoliko se Prodavac ne bude pridržavao odredbi utvrđenih u članu 3. ovog ugovora, Kupac zadržava pravo da zaračuna penale u iznosu od 1% za svaki dan kašnjenja, ali tako da cjelokupan iznos penala ne može biti veći od 5% ukupne vrijednosti ugovora.

Član 9.

Ukoliko Kupac u ugovorenom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period počev od dana potpisivanja istog zaključno sa isporukom robe, ali ne duže od 12 mjeseci. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu pismeno sa otkaznim rokom od 30 (trideset) dana.

Član 11.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 13.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca :

Direktor, Mirsad Berberović

Broj ugovora, 143/19
13.08.2019. god.

Za Kupca:

Direktor Preduzeća

Mr.sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora, 157/19
24-07-2019